

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KEEMPAT,
PARLIMEN KEEMPAT BELAS**

PERTANYAAN : BUKAN LISAN

DARIPADA : YB TUAN M. KULASEGARAN (IPOH BARAT)

SOALAN

YB TUAN M. KULASEGARAN minta **MENTERI PERPADUAN NEGARA** menyatakan:

- a. sebab-sebab kadar kaum India memiliki rumah sendiri amatlah rendah di mana Laporan “Malaysia Indian Blueprint” menunjukkan bahawa hanya 3% daripada 227,000 isi rumah B40 masyarakat India memiliki rumah sendiri; dan
- b. nyatakan langkah yang akan diambil oleh kerajaan untuk mengatasi masalah tersebut.

JAWAPAN

1. MITRA di bawah seliaan Kementerian Perpaduan Negara adalah berfokuskan kepada peningkatan sosioekonomi masyarakat India golongan B40. Bagi memastikan MITRA dapat melaksanakan peranan bagi mencapai matlamat *Malaysia Indian Blueprint (MIB)*, Kementerian Perpaduan Negara sedang membangunkan **Pelan Tindakan Masyarakat India (PTMI) MITRA**.
2. Pelan ini bertujuan untuk **menyediakan panduan pelaksanaan bagi program pembangunan sosioekonomi masyarakat India di bawah tanggungjawab MITRA**.
3. **Lima (5) Tunjang** dibangunkan secara menyeluruh untuk melaksanakan program tindakan dan aktiviti mengikut jangka masa pendek, sederhana dan panjang yang menjelaskan indikator dan sasaran yang ingin dicapai.

4. **Lima (5) Tunjang** tersebut adalah:

a. Memperkasakan Keperluan Asas;

b. Meningkatkan Kemenjadian Setiap Kanak-Kanak ;

c. Menaiktaraf Ekonomi & Keusahawanan;

d. Memperkasakan Keterangkuman Sosial; dan

e. Memperkasakan Wanita Ke Arah Kesaksamaan Gender.

5. Melalui tunjang satu (Memperkasakan Keperluan Asas), beberapa strategi Jangka Pendek, Jangka Sederhana dan Jangka Panjang telah digariskan dalam Pelan Tindakan Masyarakat India (PTMI) untuk mengalakkan dan seterusnya meningkatkan kadar pemilikan rumah kaum India. Antara strategi-strategi tersebut adalah seperti dibawah:

a. Melaksanakan kembali pembinaan perumahan mampu milik yang dilaksanakan oleh kerajaan terdahulu;

b. Mewujudkan satu unit khas yang berkaitan dengan permohonan pemilikan rumah bagi masyarakat India B40;

c. Memperkasakan promosi program pemilikan rumah melalui Skim Khas Rumah Estet (SKRE); dan

d. Meningkatkan kerjasama dengan syarikat peladangan bagi membina rumah di kawasan ladang melalui skim sewa beli bagi pekerja ladang.

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KEEMPAT
PARLIMEN KEEMPAT BELAS**

PERTANYAAN : BUKAN LISAN

DARIPADA : TUAN M. KULASEGARAN (IPOH BARAT)

SOALAN

TUAN M. KULASEGARAN minta **MENTERI KANAN PENDIDIKAN** menyatakan jumlah dana yang telah disalurkan kepada SJKT dan jumlah SJKT yang telah dimanfaatkan dalam kerja-kerja penyelenggaraan pada tahun 2021.

JAWAPAN

Tuan Yang di-Pertua,

Kementerian Pendidikan Malaysia (KPM) sentiasa memberi perhatian kepada usaha menyediakan prasarana dan kemudahan infrastruktur pendidikan di seluruh negara, termasuk sekolah jenis kebangsaan Tamil (SJKT). Ini adalah penting untuk memastikan pengajaran dan pembelajaran dilaksana dalam keadaan selamat serta selesa di sekolah.

Untuk makluman Ahli Yang Berhormat, KPM telah memperuntukkan sebanyak RM30 juta kepada SJKT pada tahun 2021. Sehingga 10 November 2021, sebanyak RM21.27 juta telah dibelanjakan bagi tujuan penyelenggaraan di 343 buah SJKT. Peruntukan yang disalurkan ini adalah berdasarkan kepada permohonan yang dikemukakan oleh pihak jabatan pendidikan negeri (JPN) atau pejabat pendidikan daerah (PPD) dan sekolah kepada KPM. Baki peruntukan akan disalurkan kepada SJKT tertakluk kepada permohonan daripada pihak sekolah serta skop penyelenggaraan yang akan dilaksanakan.